

其九玄滯識證果登真五族六親延生永壽  
飛沉遂性動植咸宜共沐玄功盡階妙道上  
明  
天專慈施之澤下副<sub>臣</sub>等虔奉之誠謹啓以  
聞

發願

- 一願大道流行普天懷德
- 二願一切有生咸皆悟道
- 三願九夜悲魂一時解脫
- 四願孤魂無依咸得受生
- 五願天下太平五穀豐熟
- 六願<sub>臣</sub>忠子孝君仁父慈
- 七願四海通同冤親和釋
- 八願潛胎處卵咸得生成
- 九願積疾新病旋即痊愈
- 十願孤露眾生豐衣足食

復爐

香官使者左右龍虎君侍香諸靈官當今<sub>臣</sub>  
行香之所自然生金液丹碧芝英百靈眾真  
交會在此洞萊爐前令<sub>臣</sub>體耀金輝斬伐肥

根七玄拔擢百聞備仙解除死籍宴坐泥丸  
東華紀字策景虛玄十方仙童玉女接待香  
煙傳<sub>臣</sub>向來所啓之言速達徑御  
太上無極大道無形無名虛無自然金闕玉  
陛下

出戶

太上黃籙齋儀卷之三十四

正一天師清微弟子許百堅 製作  
道教學術資訊網站

太上黃籙齋儀卷之三十五

王二

唐廣成先生杜光庭集  
普度幽魂遷拔中分行道原缺清且

入戶

各禮師存念如法

衛靈

- 丹靈朱火 炎霞激風 赤輪剛運
- 天光八衝 迸威包羅 交變萬方
- 流金豁落 羣魔滅蹤 碎姦破妖
- 明耀元功 金符召制 躡雲乘龍
- 謠歌慶會 散花太空 神化冥運
- 四極安隆 伏御帝前 罔有不恭
- 鳴法鼓二十四通

无上三天玄元始三炁太上道君召出<sub>臣</sub>身  
中三五功曹左右官使者侍香金童傳言玉  
女五帝直符直日香官各三十二人出出者  
巖裝關啓玄壇天帝神君當召此間土地里  
域真官正神急上關啓<sub>臣</sub>今奉為入意以今  
關告願得玉清道炁靈寶妙光下降流入<sub>臣</sub>  
等身中即使玄壇清淨內外成真天無氛穢

地絕妖塵琳琅振響十方肅清萬魔不干真  
誠上徹今臣所啓速達徑御  
太上元極大道至真玉皇上帝御前

各稱法位

上清玄都某微先生臣某等同誠上啓

虛无自然元始天尊元極大道太上玉晨道  
君太上老君无上玄老十方已得道大聖眾  
至真諸君丈人三十六天帝君玉虛上帝玉  
帝大帝東華南極西靈北真玄都玉京金闕  
七寶玄臺紫微上宮靈寶至真明皇道君三  
十六部尊經玄中大法師三界官屬一切真  
靈臣等宿植良緣遭遇玄化生成羣有濟拔  
幽沉叨奉師資佩三清之秘籙承承玄旨諷  
三洞之真經品列仙階名昇玉簡未能陶神  
瑩骨絕跡冲襟空依衆妙之門多犯明真之  
律向以受法之日申盟五帝告誓三官濟度  
二人臣贊家國凡有禱請理合申陳今奉懇  
誠函難遏絕所承詞旨敢不上聞

讀詞

按如詞懇理濟幽明齋主以歷劫功深諸天

善勝仰自然之大化奉无極之元尊匡國致

君愛親事長弘救拔之深旨憫沉滯之幽魂

惻隱興懷靡傷寫志遵憑聖教以報大恩披

黃籙典章啓玄壇階級崇嚴鎮絲恭獻香花

告三官五帝之靈朝金闕玉房之聖臣等依

經奉稟從戒精嚴懺悔凝神洗心注念以今

午朝行道請法衆等運茲初捨上香

願此香煙騰空徑上供養

无上至真道寶臣等歸身歸命首體投地仰

依

太上三尊願以是功德上資

皇家宗社九廟威靈德契無為功宣有載

皇帝龍圖永固鳳曆彌昌混一車書和同海

嶽兆民攸賴百度惟貞德化昭宣葉葉繁茂

萬方寧謐九曜高明遁跡修真師宗父母咸

遊八極早著三清今故燒香歸依

師尊大聖衆至真之德得道之後昇入无形

以今午朝行道請法衆等運茲二捨上香

願此香煙騰空徑上供養

无上至真經寶臣等歸身歸命首體投地仰

依

依

太上三尊願以是功德奉福齋官九玄七祖

往逝神儀判除奪紀之名增益記功之簡昇

真靖境流慶子孫長居得一之貞揚名後世

永懋持三之寶垂訓前脩今故燒香歸依

師尊大聖衆至真之德得道之後昇入无形

和與道合真

以今午朝行道請法衆等運茲三捨上香

願此香煙騰空徑上供養

无上至真師寶臣等歸身歸命首體投地仰

依

太上三尊願以是功德恩流庶品福被萬民

咸遂生成各均利濟爰及蓬飄旅魄浪泛遊

魂罹八難之深映脫九幽之極苦未除黑簿

莫記丹書咸願慈尊降垂靈貺命天官而總

錄勅地府以全收皆赴壇筵盡露救度永離

惡趣俱植善根託蔭人天受生快樂今故燒

香歸依

師尊大聖衆至真之德得道之後昇入无形

和與道合真

依

儀方

三啓

鬱鬱東國盛 濟濟經道興 天人同其願  
縹緲入大乘 因心立福田 靡靡法輪昇  
七祖生天堂 我身白日騰

三禮

等至心稽首禮

太上无極大道

等至心稽首禮

三十六部尊經

等至心稽首禮

玄中大法師

重稱法位

上清玄都某徽先生 臣等重啓

太上无極大道元始天尊太上大道君太上

老君三十六部尊經玄中大法師三界內外

名山洞府一切真靈 臣等伏聞太玄有作稟

無為而有為至聖無私生有物而無物陶甄

品彙停毒生成其用無窮神功不宰宣廣闢

之業弘教度之門踈網恢恢大信默默今齋

主某知微慮遠扣寂求玄浩劫先天九玄七  
祖流形散氣積業餘殃逮于己身迄至親屬  
輪迴生死造作愆尤仰依懺洗之文希惠滌  
除之既慕玄尊救拔之理儀恪威儀繫上聖  
濟度之科肅嚴齋戒金龍法信寶座朝真誠

誦靈章虔祈聖祐重念齋官位居分理職守  
方隅生民悉繫於修舒作福盡由於禱請照  
勞萬慮懇悃一心念及勲賢至于蒸庶或立  
功報國在王事以歿身或繫難忘家向他邦  
而喪已或行商坐賈積貨亡軀或作吏傷廉

取財殞命或遭時疫癘或作亂寇攘救所不  
原刑用誅戮亦乃孤俾絕嗣剝落焚身陰魄  
無依陽魂靡託春秋之事烏鵲傳音集為早  
滂之災散作螟蝗之害功高未顯圖廟食以  
無因罪大難原望憑依而後悔俱沉五苦皆

滯九幽匪仗玄恩難離陰府恩惟

太上慈聖

北極真君勅山川土地之神社廟城隍之主  
追招遣喚引領搜尋盡赴靈壇俱來聽受咸  
辭鬼錄共冠天儀沐浴恩波超登聖果奉遣

遣於金闕申讚諫於玉京聖力優加神功拔  
擢載誕中華之境必生上善之門然願齋主  
福被親姻榮延忠孝災殃盡滅瑞炁同臻地  
運發生天儀玄曜炎星戡彩祥炁騰光玄化  
恢弘

皇圖盛大河清海晏雨順風調百穀滋豐五  
兵偃戢萬民富樂九德光孚品物咸亨飛潛  
遂性上蒙  
天尊慈悲之澤下副 臣等歸命之誠謹啟以  
聞

發願

一願大道淡泊虛无安閑空寂澄清自居廣  
開法門教導頑夫皆蒙惠澤精苦是修預  
以同學普得昇虛與天相保長存無憂

二願諸天結炁澄清高虛廣覆保真固靈氣  
候調節四運和平國安民豐普天閑寧廣

濟一切惠逮有生保天長存億劫不傾

三願土地覆載無窮安平不陷海淪不崩保  
鎮家國兆民興從養生安死惠周十方木  
稼滋植營運日豐咸得厚載萬類皆從

四願日月二景高明無有薄蝕虧盈安清光  
照諸天洞消暗冥保固劫運世祚和平普  
加潤惠澤灑衆生

五願星辰與日月齊光轉燭照輝映十方  
各安其位經緯直行保鎮家國無有災傷

四海寧一普天興昌

六願四時隨節推遷景氣和調無有災患疫  
毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱  
則無為散則彌天神仙同居結友衆具惠

八願風雨流灑無窮普加施泄受其發揚萬  
物滋生國儲民豐

九願五嶽各安其方魏觀包藏長為仙宮安  
鎮國祚保天無終護度一切莫不仰宗

十願江海蕩蕩无極合容恢廓無細不植淵  
奧柔惠潤加熳息天人獲慶年同劫石

十一願帝王國土日昌四鎮安睦兵革不揚  
天人歌唱吉應來翔敷教濟濟成化洋洋  
兆庶稱慶長樂未央

十二願壇飛蠢動已生未生成蒙安全普得  
生成皆見元炁受陽之形草木果林經冬  
不零一切濟度靡不鮮榮和與道合真

復爐

香官使者左右龍虎君侍香諸靈官當令  
建齋之所自然生金液丹碧芝英百靈衆真

交會在此香火爐前令臣學道得道求仙得  
仙齋主受福幽顯沾恩十方仙童玉女侍衛

蘭煙傳臣向來所啓速達徑御

太上无極大道至真玉皇上帝御前

出戶

太上黃籙齋儀卷之三十五

太上黃籙齋儀卷之三十五

太上黃籙齋儀卷之三十六

唐廣成先生杜光庭集

普度幽魂遷拔落景行道

入戶

各禮師存念如法

衛靈

五星高耀 瑞炁飛浮 元始集神

天地交周 玉符寶節 蕭命微幽

擲火揚威 奸凶無留 萬魔振伏

紛葩却消 摧怪伐惡 道炁同流

神光照夜 陰翳俱收 萬仙降格

扇景乘颺 羣生感遂 惠過神州

鳴法鼓二十四通

无上玄元太上道君召出臣身中三五功曹

左右官使者侍香金童傳言玉女五帝直符

直日香官各三十二人出出者嚴裝關啓玄

壇天帝神君當召此間土地里域真官正神

急上關啓臣今奉為入意以今朝元行道願

得玉清道炁靈寶妙光下降流入臣等身中

即使玄壇清淨內外成真天無氛穢地絕妖